

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 1 APRIL 2015, PUKUL 10.00 PAGI

Bil. 15

PERTANYAAN-PERTANYAAN BAGI JAWAB LISAN

1. PR-1331-L67137
Puan Hajah Normala binti Abdul Samad [Pasir Gudang] minta **MENTERI DALAM NEGERI** menyatakan berapakah perbelanjaan tahunan yang dikeluarkan bagi menampung segala kos yang melibatkan Pendatang Asing Tanpa Izin (PATI), termasuk kos serbuan/siasatan, kos makan minum semasa dalam tahanan, kos penghantaran pulang ke negara asal dan sebagainya serta langkah-langkah yang diambil bagi mengurangkan perbelanjaan tersebut.
2. PR-1331-L67321
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERDAGANGAN ANTARABANGSA DAN INDUSTRI** menyatakan status terkini rundingan Perjanjian Perkongsian Trans-Pasifik (TPPA) dan bilakah ia akan dimuktamadkan.
3. PR-1331-L66169
Datuk Wira Haji Ahmad bin Hamzah [Jasin] minta **MENTERI SUMBER MANUSIA** menyatakan apakah tindakan yang telah/sedang/akan diambil oleh Kementerian terhadap syarikat swasta yang mengamalkan pelbagai diskriminasi kaum seperti daripada segi pengambilan, gaji permulaan, kenaikan pangkat dan sebagainya, sepertimana yang dilaporkan dalam kajian-kajian oleh ahli akademik UM dan UKM.
4. PR-1331-L66573
Dr. Ong Kian Ming [Serdang] minta **MENTERI KERJA RAYA** menyatakan status terkini pembinaan laluan keluar MEX di Seri Kembangan, tarikh jangkaan siap dan kadar tol yang akan dikenakan.
5. PR-1331-L67072
Dato' Hasbullah bin Osman [Gerik] minta **PERDANA MENTERI** menyatakan jumlah pekerja kontrak dalam sektor awam ketika ini dan adakah Kerajaan bercadang untuk menyerap secara tetap dan automatik kepada mereka yang telah berkhidmat lebih daripada lima tahun.

6. PR-1331-L66388
Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan:-
 - (a) justifikasi projek pembinaan Institut Aminuddin Baki di Bandar Enstek, Negeri Sembilan dianugerahkan kepada Global Globe Sdn. Bhd. secara rundingan terus; dan
 - (b) senarai serta proses lantikan syarikat-syarikat yang dipilih untuk memperbaiki kelemahan-kelemahan pada projek tersebut.
7. PR-1331-L65508
Dato' Haji Mohd Zaim bin Abu Hasan [Parit] minta **PERDANA MENTERI** menyatakan adakah kemungkinan ekonomi negara akan dilanda kesan atau kegagalan sistemik (*systemic effect* atau *systemic failure*) akibat daripada ketidaktentuan ekonomi global yang dialami sekarang.
8. PR-1331-L65817
Tuan Wan Hasan bin Mohd Ramli [Dungun] minta **PERDANA MENTERI** menyatakan langkah-langkah bagi memastikan saham Felda Global Ventures (FGV) terus kekal berdaya saing.
9. PR-1331-L65844
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah-langkah drastik yang telah diambil oleh Kementerian bagi menangani kes penderaan kanak-kanak yang melibatkan tekanan emosi. Dan apakah peranan media melalui Kementerian yang telah diambil demi membantu usaha tersebut.
10. PR-1331-L67337
Tuan Mohamed Hanipa bin Maidin [Sepang] minta **MENTERI SUMBER ASLI DAN ALAM SEKITAR** menyatakan apakah langkah-langkah preventif yang akan dan telah diambil oleh Kementerian bagi menangani masalah banjir di negara ini apabila diramalkan oleh pakar bahawa banjir buruk akan lebih kerap berlaku di negara ini hasil fenomena Madden-Julian Oscillation (MJO) yang mengakibatkan peningkatan hujan yang ekstrem.
11. PR-1331-L66043
Datuk Aaron Ago anak Dagang [Kanowit] minta **MENTERI KESIHATAN** menyatakan sama ada Kementerian sedar bahawa Malaysia sudah digelar sebagai negara yang mempunyai jumlah rakyat *obese* tertinggi di dunia. Apakah langkah-langkah yang boleh diambil oleh Kementerian bagi mengatasi masalah ini.
12. PR-1331-L66307
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan bilangan kes jenayah yang melibatkan pendatang tanpa izin (PATI) di kawasan Kota Kinabalu sejak tahun 2004 hingga 2014. Berapakah bilangan kes yang telah diambil tindakan undang-undang dan dijatuhkan hukuman.

13. PR-1331-L66014
Dato' Shamsul Anuar bin Haji Nasarah [Lenggong] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan:-
- (a) apa usaha terkini mengawal kenaikan harga barangan; dan
 - (b) apakah Kementerian ada cadangan menjalankan kerjasama dengan pelbagai Kementerian, jabatan, agensi atau NGO melalui Konsep *National Blue Ocean Strategy* (NBOS) bagi membendung kenaikan harga barangan.
14. PR-1331-L66450
Tuan Lim Lip Eng [Segambut] minta **MENTERI WILAYAH PERSEKUTUAN** menyatakan kos projek kompleks pembakaran mayat (krematorium) di Presint 20, Putrajaya yang dibina pada tahun 2004 mengikut kos bangunan, kos insinerator dan kos penyelenggaraan setiap tahun sejak 2004. Berapa kalikah kemudahan krematorium tersebut pernah digunakan.
15. PR-1331-L67385
Datuk Joseph Salang anak Gandum [Julau] minta **MENTERI KEMAJUAN LUAR BANDAR DAN WILAYAH** menyatakan status terkini pembekalan ameniti asas seperti air bersih, elektrik dan jalan luar bandar.
16. PR-1331-L66185
Tuan Oscar Ling Chai Yew [Sibul] minta **MENTERI DALAM NEGERI** menyatakan mengapa senjata api begitu senang didapati di Sarawak. Adakah kerana penyeludupan senjata api semakin serius. Sudahkah pihak polis menangkap suspek yang terlibat dalam kes tembakan baru-baru ini.
17. PR-1331-L66209
Datuk Zahidi bin Zainul Abidin [Padang Besar] minta **MENTERI KESIHATAN** menyatakan:-
- (a) langkah-langkah meningkatkan pemahaman dan rasa tanggungjawab rakyat umum dalam memerangi penyakit denggi dan punca penyakit yang kini mengancam kesihatan rakyat di beberapa negeri; dan
 - (b) adakah hospital Kerajaan mempunyai katil yang cukup untuk merawat para pesakit yang disyaki dijangkiti demam denggi.
18. PR-1331-L65742
Tuan Ahmad Baihaki bin Atiqullah [Kubang Kerian] minta **MENTERI PENDIDIKAN** menyatakan berapakah kos yang telah dibelanjakan oleh pihak Kementerian untuk bantuan dan pembangunan Sekolah Agama Bantuan Kerajaan (SABK) di negeri Kelantan semenjak ia dilaksanakan.

19. PR-1331-L66512
Tuan Haji Ahmad Lai bin Bujang [Sibuti] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah pihak Kementerian mempunyai rancangan untuk mewujudkan sistem permohonan bantuan kebajikan dalam talian sepenuhnya yang boleh diakses melalui laman sesawang ataupun aplikasi telefon pintar tanpa perlu memuat turun borang seperti masa ini.
20. PR-1331-L67157
Dr. Michael Jeyakumar Devaraj [Sungai Siput] minta **MENTERI KESIHATAN** menyatakan deposit yang dikenakan terhadap pekerja asing yang dimasukkan ke hospital Kerajaan. Apakah risikonya protokol mengkehendaki bayaran deposit untuk dimasukkan ke hospital akan meningkatkan merebaknya penyakit berjangkit di kalangan masyarakat kita.
21. PR-1331-L66763
Datuk Juslie bin Ajirol [Libaran] minta **MENTERI KEMAJUAN LUAR BANDAR DAN WILAYAH** menyatakan:-
- (a) rancangan prasarana bagi kemajuan luar bandar dan wilayah bagi Negeri Sabah terutama bagi Parlimen Libaran dalam Rancangan Malaysia Ke-11 kelak, jika ada; dan
 - (b) adakah Jalan Tanjung Semawang, jalan persisir pantai Sungai Tiram ke Kuala Gum-Gum dan Jalan Kg Daling ke Tanjung Pisau Lalasun akan dimasukkan dalam Rancangan Malaysia Ke-11.
22. PR-1331-L66883
Dr. Haji Izani bin Haji Husin [Pengkalan Chepa] minta **MENTERI DALAM NEGERI** menyatakan berapa ramaiakah anggota polis di daerah Kota Bharu yang ditangkap atau diambil tindakan kerana terlibat dengan pengedaran dadah atau terlibat dalam penyalahgunaan dadah dalam tempoh 5 tahun dari 2010 hingga 2014.
23. PR-1331-L67165
Dato' Ikmal Hisham bin Abdul Aziz [Tanah Merah] minta **MENTERI DALAM NEGERI** menyatakan sepanjang tahun 2014 berapa jumlah laporan polis yang dibuat berkaitan penghinaan terhadap agama dan kaum. Daripada jumlah itu berapa ramai yang didakwa.
24. PR-1331-L65857
Dato' Mansor bin Othman [Nibong Tebal] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan program-program Kempen Penurunan Harga Barang di seluruh negara dan keberkesanan pelaksanaan program tersebut semenjak dilancarkan oleh YAB Perdana Menteri pada 29 Januari 2014.

25. PR-1331-L66082
Datuk Noor Ehsanuddin bin Mohd Harun Narrashid [Kota Tinggi] minta **MENTERI PERDAGANGAN ANTARABANGSA DAN INDUSTRI** menyatakan maklumat lanjut mengenai program-program yang telah dirancang dan dijalankan oleh pihak Kementerian bagi mengenal pasti dan melatih tenaga kerja yang diperlukan oleh industri automotif bersesuaian dengan sasaran di bawah NAP 2014.
26. PR-1331-L66698
Tuan Shamsul Iskandar bin Mohd Akin [Bukit Katil] minta **MENTERI PENDIDIKAN** menyatakan apakah langkah yang telah diambil oleh Kerajaan untuk memastikan pengusaha yang mendapat tender membekal makanan kepada murid sekolah berasrama dapat membekalkan makanan yang selamat dan berkhasiat. Jika berlaku kes keracunan makanan di dapur asrama, adakah pembekal tersebut dibenarkan menyambung kontrak mereka.
27. PR-1331-L66642
Dato' Seri Reezal Merican bin Naina Merican [Kepala Batas] minta **MENTERI PERDAGANGAN ANTARABANGSA DAN INDUSTRI** menyatakan status prestasi ekonomi kesemua 21 hab halal yang ada di Malaysia pada ketika ini. Apakah wujud keperluan melakukan *reconciliation* jumlah dalam masa terdekat ini.
28. PR-1331-L65476
Dato' Kamarul Baharin bin Abbas [Telok Kemang] minta **PERDANA MENTERI** menyatakan:-
- (a) kenapa dengan adanya lebih berpuluh ribu restoran hanya 1,741 buah restoran sahaja yang telah disahkan halal dan daripada lebih 2,000 buah hotel dan resort hanya 423 hotel yang memiliki sijil halal; dan
 - (b) bagaimana Kerajaan memantau status restoran-restoran, hotel-hotel dan resort-resort yang belum diiktiraf dengan status halal.
29. PR-1331-L65891
Dato' Haji Irmohizam bin Haji Ibrahim [Kuala Selangor] minta **MENTERI KEWANGAN** menyatakan sejauh manakah Jawatankuasa Fiskal komited dalam menangani isu hutang isi rumah supaya tidak terus meningkat di mana pada masa sekarang ia mencatatkan 86.8 peratus daripada KDNK iaitu kedua tertinggi di Asia.
30. PR-1331-L66135
Tuan Ignatius Dorell Leiking [Penampang] minta **MENTERI PENDIDIKAN** menyatakan bilangan pelajar Bumiputera Sabah yang diterima masuk ke Institusi Pengajian Tinggi Awam (IPTA) secara terperinci dari segi suku etnik seperti Kadazan, Dusun, Bajau, Rungus, Bisaya, Murut dan berkaitan setiap tahun bagi lima tahun yang lepas.

31. PR-1331-L67143
Puan Hajah Normala binti Abdul Samad [Pasir Gudang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tindakan penguatkuasaan yang dikenakan kepada pemilik Lesen Minuman Keras (Lesen Rumah Awam) yang membenarkan pembeli meminum minuman keras di luar premis dan pemilik Lesen Minuman Keras (Jualan Runcit) yang membenarkan pembeli meminum minuman keras tersebut di dalam dan luar premis jualan serta adakah pihak Kementerian bercadang untuk menguatkuasakan larangan meminum arak secara terbuka di khalayak awam.
32. PR-1331-L66453
Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan sama ada permit import automotif diluluskan (AP) akan dihapuskan dan jikalau tidak, sebab-sebab untuk tidak berbuat demikian.
33. PR-1331-L66362
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan berapa jumlah peratusan pemilikan tanah Bumiputera di Kuala Lumpur sama ada tanah komersial ataupun tanah kediaman.
34. PR-1331-L65383
Dato' Wira Othman bin Abdul [Pendang] minta **MENTERI PERTANIAN DAN INDUSTRI ASAS TANI** menyatakan:-
- (a) apakah Kementerian sedar bahawa penyakit-penyakit padi dalam kawasan MADA sekarang terlalu banyak hingga menjejaskan pendapatan petani. Antaranya penyakit Bena Perang• yang telah lama menyerang padi, tetapi hingga sekarang tidak ada racun yang dapat mengatasinya; dan
 - (b) apakah rancangan Kementerian dalam usaha membantu petani untuk melawan penyakit-penyakit padi seluruh negara supaya pendapatan mereka tidak terjejas.
35. PR-1331-L67457
Datuk Hajah Norah binti Abd Rahman [Tanjong Manis] minta **PERDANA MENTERI** menyatakan adakah JAKIM bercadang memperluaskan perlantikan makmal panel halal ke Sarawak dan Sabah selepas TPM Biotech Sdn Bhd menjadi makmal panel halal pertama dilantik bagi mempercepatkan proses pengesahan dan pensijilan Halal Malaysia.
36. PR-1331-L66247
Dato' Noraini binti Ahmad [Parit Sulong] minta **MENTERI SUMBER MANUSIA** menyatakan bilangan yang telah menerima persijilan di bawah Skim *Recognition of Prior Learning* (RPL) oleh empat badan persijilan yang mempunyai rangka pengakreditasi (accreditation framework) sejak ia dilaksanakan dan adakah jangkaan sasaran 700,000 akan dicapai menjelang akhir 2015.

37. PR-1331-L65563
Datuk Sapawi bin Ahmad Wasali [Sipitang] minta **PERDANA MENTERI** menyatakan jumlah bantuan yang sudah diagihkan oleh Kerajaan Pusat kepada negeri-negeri yang dilanda banjir, khususnya Kelantan, Terengganu, Pahang, Perak, Johor serta Sabah dan Sarawak.
38. PR-1331-L66514
Datuk Mohd Idris bin Jusi [Batu Pahat] minta **PERDANA MENTERI** menyatakan langkah-langkah yang telah dijalankan bagi mengurangkan fenomena ketirisan yang mendapat teguran setiap tahun daripada Ketua Audit Negara. Setakat mana keberkesanan langkah-langkah tersebut.
39. PR-1331-L65908
Datuk Madius Tangau [Tuaran] minta **MENTERI KEMAJUAN LUAR BANDAR DAN WILAYAH** menyatakan apakah perancangan kerajaan untuk menangani penurunan harga getah dan penurunan harga minyak mentah petroleum dan adakah Kerajaan sedar tentang kesan negatif yang sedang dialami oleh para pekebun kecil getah.
40. PR-1331-L65441
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan:-
- (a) jumlah lokasi yang melibatkan masalah retakan dan tanah mendap di landasan, jalan raya dan tempat letak pesawat KLIA2 sejak dibuka; dan
 - (b) kos yang terlibat dan pihak yang menanggung.
41. PR-1331-L65412
Tuan Haji Mohd Fasih bin Haji Mohd Fakeh [Sabak Bernam] minta **MENTERI DALAM NEGERI** menyatakan bilangan rakyat negara ini yang didakwa dan ditahan atas tuduhan memberikan sokongan kepada Kumpulan Pengganas Negara Islam (IS) dan bilangan individu yang telah ditangkap kerana disyaki merancang untuk menyertai kumpulan militan IS di Syria dan Iraq.
42. PR-1331-L66768
Tuan Che Mohamad Zulkifly bin Jusoh [Setiu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan mengapa terdapat lambakan warga asing yang memonopoli perniagaan di negara ini serta apakah tindakan Kerajaan berdepan dengan masalah peniaga tempatan yang mengalibabakan lesen perniagaan mereka kepada warga asing.
43. PR-1331-L65386
Tuan Khoo Soo Seang [Tebrau] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah rancangan Kementerian untuk memastikan pengedaran minyak petrol dan diesel dalam negara terus stabil dan terjamin sedangkan peniaga petrol dikatakan mengalami masalah kerugian.

44. PR-1331-L65414
Dato' Seri Ong Ka Chuan [Tanjong Malim] minta **PERDANA MENTERI** menyatakan apakah langkah-langkah yang lebih cekap dan berkesan yang akan dilakukan oleh Kerajaan untuk menghadapi banjir yang lebih serius pada masa akan datang, sepertimana yang telah berlaku di seluruh negara baru-baru ini.
45. PR-1331-L67015
Tuan Mohamed Azmin bin Ali [Gombak] minta **MENTERI PERDAGANGAN ANTARABANGSA DAN INDUSTRI** menyatakan apakah jenis Transfer of Technology (TOT) yang akan dilaksanakan oleh Proton Holding Berhad bersama PT Adiperkasa Citra Lestari.
46. PR-1331-L65825
Tuan Haji Ahmad Nazlan bin Idris [Jerantut] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah yang telah diambil oleh Kementerian bagi menangani kedegilan pemborong yang enggan menurunkan harga barangan keperluan.
47. PR-1331-L66620
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan apakah usaha-usaha yang dicadangkan oleh Kerajaan untuk menangani isu perkauman (*racism*) yang semakin ketara sejak akhir-akhir ini.
48. PR-1331-L66051
Datuk Ahmad Jazlan bin Yaakub [Machang] minta **MENTERI KERJA RAYA** menyatakan:-
- (a) sehingga kini berapa fasakah yang sudah ditender untuk pembinaan Lebuh Raya Kota Bharu-Kuala Krai; dan
 - (b) bilakah jangkaan ia akan siap sepenuhnya dan dibuka kepada penggunaan orang awam.
49. PR-1331-L66929
Dato' Ir. Haji Nawawi bin Ahmad [Langkawi] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah Kementerian boleh menggunakan akta yang sedia ada bertujuan untuk memecahkan monopoli yang membebankan rakyat kerana persatuan peniaga di negara ini kebanyakannya menetapkan harga barang jualan yang sekata di seluruh negara. Ini sudah tentu tidak menggambarkan persaingan ekonomi yang sihat malah boleh dikatakan monopoli.
50. PR-1331-L67388
Tuan Liew Chin Tong [Kluang] minta **MENTERI KEWANGAN** menyatakan projek-projek berskala besar yang diberi secara rundingan terus tanpa tender terbuka yang nilainya melebihi RM 500 juta dari tahun 2006 hingga 2015. Apakah kos asal, kos *variation order* (VO) dan tarikh persiapan akhir tersebut.

51. PR-1331-L66589
Tuan Zairil Khir Johari [Bukit Bendera] minta **MENTERI PENDIDIKAN** menyatakan bilangan Netbook 1Malaysia yang sudah diedarkan kepada guru-guru di seluruh negara, serta kos yang terlibat.
52. PR-1331-L65750
Tuan M. Kulasegaran [Ipoh Barat] minta **MENTERI KESIHATAN** menyatakan tentang masalah penyalahgunaan sistem kontrak ke atas pekerja-pekerja oleh "kontraktor" telah berlaku di Hospital Bahagia, Tanjung Rambutan. Adakah pihak hospital sedar bahawa pekerja kontrak tersebut masih dilayan dan dianggap sebagai pekerja baru sungguhpun mereka telah bekerja lebih daripada 17 tahun.
53. PR-1331-L66276
Tuan Su Keong Siong [Ipoh Timor] minta **PERDANA MENTERI** menyatakan kes penukaran ke agama Islam yang berlaku di negara ini sejak tahun 2000.
54. PR-1331-L66217
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan jumlah undang-undang Malaysia yang perlu digubal bila Malaysia menandatangani perjanjian TPP. Adakah kandungan perjanjian tersebut akan diterjemah dalam bahasa kebangsaan apabila dibahas di Parlimen.
55. PR-1331-L65770
Datuk Bung Moktar bin Radin [Kinabatangan] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sejauh manakah kesungguhan Kerajaan dalam mengekang aktiviti syarikat-syarikat jualan langsung (*Multi-Level Marketing* - MLM) yang beroperasi dalam negara tanpa kebenaran dan sering membuat penipuan. Apakah perancangan Kerajaan dalam memastikan kegiatan-kegiatan haram syarikat MLM ini dapat dihentikan secara total agar dapat mengelakkan rakyat daripada terus terperangkap dan tertipu.
56. PR-1331-L65980
Puan Siti Zailah binti Mohd Yusoff [Rantau Panjang] minta **MENTERI KOMUNIKASI DAN MULTIMEDIA** menyatakan tentang kehadiran artis K-Pop ke Malaysia yang merosakkan maruah moral remaja serta jumlah kos yang dibayar oleh pihak penganjur.
57. PR-1331-L67298
Dato' Seri Abdul Hadi bin Awang [Marang] minta **PERDANA MENTERI** menyatakan apakah langkah yang diambil oleh Kerajaan untuk meredakan isu sensitif seperti perkauman dan sentimen agama yang boleh menimbulkan ketegangan dalam masyarakat.
58. PR-1331-L67030
Datuk Wee Jeck Seng [Tanjong Piai] minta **MENTERI KEWANGAN** menyatakan peratusan persediaan Kementerian untuk melaksanakan GST pada bulan April tahun ini.

59. PR-1331-L66296
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan langkah-langkah terperinci bakal diambil untuk menangani perancangan sabotaj ekonomi negara yang didakwa wujud dengan hukuman setimpal terhadap dalangnya jika didapati bersalah.
60. PR-1331-L66943
Tuan Mohd Rafizi bin Ramli [Pandan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah peniaga (mengikut tahun) yang telah disiasat dan dijatuhkan hukuman di bawah Akta Kawalan Harga dan Anti Pencatutan 2011 sejak dikuatkuasakan mengikut pecahan kaum.
61. PR-1331-L67299
Dato' Haji Mahfuz bin Omar [Pokok Sena] minta **MENTERI PERTANIAN DAN INDUSTRI ASAS TANI** menyatakan kes serangan penyakit padi (karah batang) dalam kawasan MADA terutama bagi yang menggunakan pakej padi kebal yang tidak lagi kebal kepada serangan penyakit, apakah punca sebenar serangan penyakit dan apakah langkah yang dicadangkan Kerajaan bagi petani mengatasi serangan penyakit seumpama ini.
62. PR-1331-L66112
Dr. Lee Boon Chye [Gopeng] minta **PERDANA MENTERI** menyatakan setakat manakah proses persempadanan semula kawasan pilihan raya.
63. PR-1331-L65456
Datuk Dr. Haji Abd. Latiff bin Haji Ahmad [Mersing] minta **MENTERI PERTANIAN DAN INDUSTRI ASAS TANI** menyatakan kedudukan tanah terbiar di seluruh negara:-
- (a) berapakah keluasan tanahnya, adakah luasannya semakin berkurangan atau bertambah; dan
 - (b) apakah usaha Kementerian untuk memajukan tanah-tanah berkenaan.
64. PR-1331-L66815
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan apakah perkembangan NAP 2014 dalam membangunkan industri kereta "*Energy Efficient Vehicles*" atau EEV, serta apakah insentif-insentif yang diberikan kepada pengeluar kereta EEV tempatan dan galakkan kepada pembeli untuk menggunakan kenderaan EEV tempatan.
65. PR-1331-L66750
Puan Teo Nie Ching [Kulai] minta **PERDANA MENTERI** menyatakan status projek Asia Petroleum Hub yang terbengkalai dan jumlah peruntukan Kerajaan untuk projek ini.
66. PR-1331-L67215
Dato' Dr. Mujahid Yusof Rawa [Parit Buntar] minta **MENTERI SUMBER ASLI DAN ALAM SEKITAR** menyatakan apakah dasar pembukaan tanah baru perladangan yang membabitkan Hutan Simpan Kekal (HSK).

67. PR-1331-L66727
Tuan R. Sivarasa [Subang] minta **MENTERI KERJA RAYA** menyatakan sama ada Kerajaan setuju dan akan pastikan jajaran Lebuhraya Damansara Shah Alam (DASH) akan dipinda supaya tidak melalui kawasan perumahan dan komersial yang padat di kawasan Damansara Perdana dan juga Mutiara Damansara.
68. PR-1331-L65527
Dato' Fauzi bin Abdul Rahman [Indera Mahkota] minta **PERDANA MENTERI** menyatakan berapa lamakah simpanan '*proven reserves*' minyak dan gas negara seperti direkodkan Petronas. Dengan kadar pengeluaran ini, berapa lamakah negara mampu menjadi negara pengeluar minyak dan gas. Nyatakan keadaan '*probable reserves*', dan '*possible reserves*' minyak dan gas negara kita.
69. PR-1331-L65718
Datuk Dr. Makin @ Marcus Mojigoh [Putatan] minta **PERDANA MENTERI** menyatakan:-
- (a) sejauh manakah keberkesanan kesiapsiagaan negara dalam menghadapi musibah banjir yang melanda negara baru-baru ini; dan
 - (b) berapakah jumlah kos kerugian pasca banjir yang ditanggung oleh pihak Kerajaan dan jumlah sumbangan dari pihak NGO dan orang perseorangan bagi maksud yang sama.
70. PR-1331-L65790
Tuan Idris bin Haji Ahmad [Bukit Gantang] minta **MENTERI PERTANIAN DAN INDUSTRI ASAS TANI** menyatakan apakah langkah yang diambil oleh Kementerian untuk membela perternak industri ikan arowana yang mengalami masalah kejatuhan harga dan pemasaran sedangkan mereka sudah melabur begitu banyak dalam industri tersebut.
71. PR-1331-L65662
Dato' Othman bin Aziz [Jerlun] minta **MENTERI KEWANGAN** menyatakan kesan kejatuhan harga minyak dan mata wang Malaysia terhadap ekonomi negara dan nyatakan pelan strategik Kementerian untuk mengekang tekanan ekonomi dalam jangka masa pendek dan panjang.
72. PR-1331-L65631
Dato' Haji Zainudin bin Ismail [Jelebu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) apakah Kerajaan sedar bahawa sekarang ini telah terdapat peniaga yang mula mengenakan cukai GST sebanyak 6 peratus di dalam caj urusniaga masing-masing; dan
 - (b) apakah usaha dan tindakan Kerajaan terhadap peniaga yang telah mula mengambil kesempatan mengenakan GST sebelum ia bermula.

73. PR-1331-L67139
Tuan Gobind Singh Deo [Puchong] minta **MENTERI DALAM NEGERI** menyatakan apakah tindakan dalam laporan-laporan polis no. Cheras/000945/11 dan Cheras/09324/11.
74. PR-1331-L67065
Dr. Mansor bin Abd Rahman [Sik] minta **MENTERI PENGANGKUTAN** menyatakan pendirian terhadap cadangan kerajaan Negeri Kedah untuk membina lapangan terbang yang baharu di negeri itu.
75. PR-1331-L67477
Tuan V. Sivakumar [Batu Gajah] minta **MENTERI PENGANGKUTAN** menyatakan sama ada misi mencari pesawat MH370 masih diteruskan. Berapakah jumlah wang yang dibelanjakan oleh Kerajaan Malaysia dalam misi pencarian itu dan nyatakan secara terperinci bagaimana perbelanjaan tersebut diagih dan disalurkan.

ATURAN URUSAN MESYUARAT DAN USUL-USUL

- | | | | |
|-----|----------------|---|-------------------------------|
| 1. | (D.R. 24/2014) | Rang Undang-undang Dadah Berbahaya (Pindaan) (No.2) 2014 | Bacaan Kali Yang Kedua |
| | | [Menteri Kesihatan] | |
| 2. | (D.R. 29/2014) | Rang Undang-undang Pendidikan (Pindaan) 2014 | “ |
| | | [Menteri Pendidikan] | |
| 3. | (D.R. 26/2014) | Rang Undang-undang Perhubungan Perusahaan (Pindaan) 2014 | “ |
| | | [Menteri Sumber Manusia] | |
| 4. | (D.R. 30/2014) | Rang Undang-undang Teknologis dan Juruteknik 2014 | “ |
| | | [Menteri Sains, Teknologi dan Inovasi] | |
| 5. | (D.R. 2/2015) | Rang Undang-undang Lembaga Pembiayaan Perumahan Sektor Awam 2015 | “ |
| | | [Menteri Kewangan] | |
| 6. | (D.R. 10/2015) | Rang Undang-undang Pencegahan Keganasan 2015 | “ |
| | | [Menteri Dalam Negeri] | |
| 7. | (D.R. 6/2015) | Rang Undang-undang Langkah-Langkah Khas Menentang Keganasan di Luar Negara 2015 | “ |
| | | [Menteri Dalam Negeri] | |
| 8. | (D.R. 5/2015) | Rang Undang-undang Penjara (Pindaan) (No.2) 2015 | “ |
| | | [Menteri Dalam Negeri] | |
| 9. | (D.R. 4/2015) | Rang Undang-undang Kanun Keseksaan (Pindaan) 2015 | “ |
| | | [Menteri Dalam Negeri] | |
| 10. | (D.R. 8/2015) | Rang Undang-undang Pencegahan Jenayah (Pindaan) 2015 | “ |
| | | [Menteri Dalam Negeri] | |

- | | | | |
|-----|----------------|--|-------------------------------|
| 11. | (D.R. 9/2015) | Rang Undang-undang Kanun Tatacara Jenayah (Pindaan) 2015 | Bacaan Kali Yang Kedua |
| | | [Menteri Dalam Negeri] | |
| 12. | (D.R. 7/2015) | Rang Undang-undang Kesalahan Keselamatan (Langkah-Langkah Khas) (Pindaan) 2015 | “ |
| | | [Menteri Dalam Negeri] | |
| 13. | (D.R. 12/2015) | Rang Undang-undang Keterangan (Pindaan) 2015 | “ |
| | | [Menteri di Jabatan Perdana Menteri] | |
| 14. | (D.R. 1/2015) | Rang Undang-undang Ahli Kimia (Pindaan) 2015 | “ |
| | | [Menteri Sains, Teknologi dan Inovasi] | |
| 15. | (D.R. 23/2014) | Rang Undang-undang Ahli Parlimen (Saraan) (Pindaan) 2014 | “ |
| | | [Perdana Menteri] | |
16. **Menteri Kewangan** akan mencadangkan:-
- “Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”
17. **Menteri Dalam Negeri** akan mencadangkan:-
- “Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015”
18. PR-1331-U65762
Datuk Dr. Makin @ Marcus Mojigoh [Putatan] akan mencadangkan:-
- "Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama.

Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

19. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

20. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

21. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

22. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

23. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

24. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]